

四部叢刊三編集部

白  
沙  
子

上海濁芬樓景印  
東莞莫氏五十萬  
卷樓藏明嘉靖刊  
本原書板高十九  
公分寬十四公分

崇恩南  
藏書  
卷之三



刻白沙子叙

夫道貫古今匪明弗

昭如矣唯明嗣興

右白沙先生者其周程之

徒與蓋先生起於南粵獨悟道妙而非有能授

之者是故其見道明故其體道至其體道至故

其言論簡易而弗支且多夫其弗支且多也故

凡形諸動靜存諸語默播諸詩文徵諸出處固

非道妙呈華璧諸化工流形萬彙森布各止其

所而其文固煥煥乎莫之繪焉夫豈雕鏤綴奇

苦思模擬後心垂後而故存之簡冊者哉雖然其猶先生之緒餘焉矣乎是故道裕諸心精明應妙固莫能覲矣而自有與天地悠久不滅者存非賴是能彰之也然志士君子非得之其胡所考見儀刑故其門人張東所旣采集之梓諸其里矣四方猶罕覩焉予柄維楊教與諸士講學暇偶談及茲書共以未得爲憾遂出予本命下生來也輒刻之因訪諸吾友沈汝淵氏得遺集二三冊焉爰增其未有者削其不必存者以

付梓人衆也。輦廻欣然成之。其志可知矣。因謂之曰：茲刻也。豈徒存載籍已哉？将以求先生之心焉耳。不然彌文而已矣。生輦謝曰：謹受教。因識之。且題曰：白沙子。猶孟氏七篇而題曰孟子之義也。

嘉靖癸巳仲秋吉旦前進士西蜀後學高簡謹序

四

論白沙子

甘泉子曰夫先生聖人之徒也先生詩文其中古之制作乎其詩歌如風雅頌其文詞如謨訓誥或聞之愕然曰何哉若是其大也不亦少誇矣乎今觀其詩歌之體裁猶夫今之詩也何取乎風雅頌觀其文詞之簡度猶夫今之文也何取乎謨訓誥曰非是之謂也孟軻有言今之樂猶古之樂也何謂乎聖賢之言發乎人心之同然故與古

訓異體而同道夫惟求於牝牡驪黃之外者而后得馬之真相忘於言語形似之外者而后得聖賢之蘊是故以其中和之性情發而爲中和之永嘆優柔而敦厚焉是亦風雅頌而已矣以其自得之精意以發其未發之蘊載道而典則焉是亦謨訓誥而已矣曰然則何以異乎曰言詞古今之不同猶之東西南北之方言聲氣之異耳矣而因以爲人情有異可乎今以詞之古

今而疑聖賢之異者則亦猶求人性於東  
西南北之音之類也求馬於牝牡驥黃之  
類也曰然則果若是同乎曰以詩觀之風  
殊于頌頌殊于雅矣遂謂詩果不同可乎  
以書觀之誥殊于訓訓殊于謨矣遂謂書  
果不同可乎則又何疑乎后世之詩之文  
也哉故求先生之詩文者當求先生之道  
於言外之意以合於古訓而不當求先生  
於言詞之間則惑也夫然后知先生之詩

文不可以后之詩人文士之詩文觀之矣

門人高簡曰吾師甘泉先生過維揚謂灤  
州亦刻是集乃吾同年友柯侍御意也先  
生旣手校付之而因序焉此論是也簡請  
觀之真足以破文人才子之訾矣因畧其  
序刻之由而附其要語

于此以俟明者覽焉

白沙子目錄

一卷

前叙

目錄

奏疏

二首

序

十八首

記

二十二首

論

六首

二卷

書簡 八十七首

三卷

書簡 八十九首

四卷

墓誌銘表 十五首

祭文 三十首

賦 二首

贊 一首

銘 四首

啓四首

說五首

批荅張廷實詩箋十首

傳狀三首

題跋三十二首

五卷

古選一百二十七首

五言絕句一百九十首

六言絕句十一首

七言絕句二百一十一首

六卷

七言絕句四百七十首

七卷九十八葉

五言律詩二百九十六首

五言六句一首

七言律詩一百三十一首

八卷

七言律詩

四言詩

四首

五言排律

四首

七言排律

三首

古風歌行

三十八首

白沙子目錄終



白沙子卷之一

奏疏

乞終養疏



臣原籍廣東廣州府新會縣人由本縣儒學生員應正統十二年鄉試中式正統十三年會試禮部中副榜告入國子監讀書景泰二年會試下第成化二年本監撥送吏部文選清吏司歷事成化五年復會試下第告回原籍累染虛弱自汗等疾又有老母朝夕侍養不能赴部聽選